



Broj: JN-1/18.7.3-16.4-23-7/22  
Datum: 05.08.2022. godine

Na osnovu člana 61. Zakona o Upravi („Službeni glasnik BiH“ broj 32/02 i 102/09), člana 22. Stav 1. Zakona o službi za poslove sa strancima („Službeni glasnik BiH“ broj 54/05 i 36/08), člana 64. Stav (1) tačka b), člana 70. Zakona o javnim nabavkama Bosne i Hercegovine („Službeni glasnik BiH“ broj 39/14) i Zapisnika o pregledu i ocjeni ponuda broj: JN-1/18.7.3-16.4-23-6/22 od 04.08.2022. godine, direktor Službe donosi:

## **ODLUKU**

### **Član 1.**

Prihvata se preporuka Komisije za javne nabavke Službe o dodjeli Okvirnog sporazuma ponuđaču, u otvorenom postupku javne nabavke sukcesivne isporuke naftnih derivata po lokacijama, i to:

- **„HIFA PETROL“ d.o.o. Sarajevo** sa ukupnim iznosom ponude od **194.547,50 KM** bez uračunatog PDV-a, odnosno **227.620,58 KM** sa uračunatim PDV-om.

### **Član 2.**

Ugovorni organ će u roku od 5 dana dostaviti na potpis i ovjeru ponuđaču iz člana 1. ove Odluke potpisan i ovjeren Okvirni sporazum sa svoje strane računajući od dana zaprimanja saglasnosti Pravobranilaštva BiH na Protokolu Službe.

Ponuđač čija je ponuda izabrana kao najpovoljnija obavezuje se da dostavljeni potpisani i ovjereni Okvirni sporazum potpiše i ovjeri u roku od 10 dana od dana prijema, te da isti dostavi na Protokol Službe za poslove sa strancima.

U suprotnom Služba za poslove sa strancima smatrat će da je izabrani ponuđač odustao od Ugovora i dodjelit će Okvirni sporazum drugorangiranom ponuđaču.

### **Član 3.**

Za realizaciju ove Odluke zadužuje se Sektor za administraciju.

### **Član 4.**

Ova odluka objavit će se na stranici Ugovornog organa i istovremeno će se uputiti ponuđačima koji su učestvovali u postupku javne nabavke.

### **Član 5.**

Odluka stupa na snagu danom donošenja.

## **O b r a z l o ž e n j e**

Postupak javne nabavke pokrenut je Odlukom o pokretanju procedura javne nabavke sukcesivne isporuke naftnih derivata po lokacijama broj: JN-1/18.1-16.4-23/22 od 06.07.2022. godine i proveden je putem otvorenog postupka.

Tenderska dokumentacija i obavještenje o nabavci broj 1420-1-1-22-3-20/22 objavljeno je na Portalu javnih nabavki i objavljen je sažetak obavještenja u Službenom glasniku BiH broj 48. od 22.07.2022. godine.

U postupku ocjene ponuda Komisija za javne nabavke Službe je izvršila otvaranje ponude i ocjenu pristigle ponude o čemu je sačinila Zapisnik sa otvaranja ponuda i Zapisnik o pregledu i ocjeni ponuda.

Do roka za dostavu ponuda ponude su dostavila 2 (dva) ponuđača i to:

- „HIFA-PETROL“ d.o.o. Sarajevo
- „ENERGOPETROL“ d.d. Sarajevo

Komisija za javne nabavke Službe izvršila je evaluaciju ponuda i prije dostavljanja Zapisnika o pregledu i ocjeni ponuda direktoru na saglasnost dostavila je Sektoru za administraciju Spisak ponuđača čije ponude ispunjavaju uslove za E-aukciju i to:

- „HIFA-PETROL“ d.o.o. Sarajevo
- „ENERGOPETROL“ d.d. Sarajevo

E-aukcija je provedena dana 19.10.2020. godine sa početkom u 12:00 sati na kojoj su učestvovali gore navedeni ponuđači gdje je nakon provedene E-aukcije najpovoljniji ponuđač - „HIFA-PETROL“ d.o.o. Sarajevo.

Nakon provedene E-aukcije kroz sistem E-nabavke Komisija za javne nabavke Službe imenovana Odlukom direktora broj: 18.1-16.4-1-1/22 od 04.01.2022. godine dostavila je direktoru Zapisnik o pregledu i ocjeni ponuda broj: JN-1/18.7.3-16.4-23-6/22 (koji je u prilogu Odluke) i uputila preporuku direktoru Službe za izbor najpovoljnijeg ponuđača.

U skladu sa članom 72. Stav (1) ugovorni organ dostavlja na potpis izabranom ponuđaču prijedlog Ugovora i to nakon isteka roka od 15 dana računajući od dana kada su svi ponuđači obavješteni o izboru najpovoljnije ponude.

Uzimajući u obzir navedeno, odlučeno je kao u dispozitivu ove Odluke.

### **Pouka o pravnom lijeku**

Žalba se izjavljuje Službi za poslove sa strancima u pisanoj formi neposredno u tri primjerka u zakonskom roku.

Dostaviti:

- ponuđaču
- web stranica Službe
- a/a



**DIREKTOR**  
*Slobodan Ujić*